

第八部分 石陶等件

(一) 石器

一、打製石器 (圖版壹壹叁，圖1—3)

圖1 打製石矢鏃，出焉耆四十里城市南十里沙磧中。作錐形，一頭尖銳，中隆起，成四稜形。兩邊緣有銳利之鋒刃，後部稍弱。具約一厘米長之柄狀，通長約四厘米。與之同地出土者尚有內含砂礫之粗紅陶片、殘瓦鬲足與貝飾等。余在羅布淖爾北岸亦拾有同樣打製石矢鏃（羅布淖爾考古記圖版五，插圖13）。同時尚有其他打製石器、磨製石器和玉器，與之同時出土者，亦有粗紅陶片及壓紋灰陶片，余在羅布淖爾考古記中曾推論爲新石器時代後期遺物（頁91—96）。此處所拾，雖僅此一件，但與粗紅陶片、殘瓦鬲同出土，其時代應與羅布淖爾石器時代後期相同。此處濱博斯騰淖爾，東面距海約十餘里，博斯騰湖爲淡水湖，可能在遠古時期焉耆人民濱湖而居，經營其漁獵生活，與羅布淖爾沿岸情形大體一致。不過余等在此工作時間倉卒，將來仔細工作，必有大量石器時代遺物出現也。

圖2 石燕化石飾品，出土地同上。原爲古生物化石，本介殼中之腕足類，出山石間，其形似燕，張兩翼，故名石燕，實非鳥類也。此化石疑出附近山中。當遠古時，博斯騰湖畔居民，取來用作裝飾品，由於器面尚有磨擦痕迹可證。又在同地尚拾有紅粗陶片及打製石器，可能與化石之使用爲同一時期之物也。

圖3 象牙飾品，出土地同上。作扁形管狀，長二厘米，中寬一厘米。橫鑽二孔。此蓋截取象牙一節，兩端鑿磨鑽孔，穿繫綫索以爲佩飾或耳飾之用。與上件同地出土，時代可能相同。

二、磨製石器 (圖版壹壹叁，圖4、5)

圖4 磨製玉斧，出沙雅大望庫木沙磧中。綠玉質。高四·七，刃寬四，背寬三·二厘米，厚六毫米。上柄稍尖，下平齊，磨製光平。口刃部頗薄而鋒利，寬約七毫米。刃部上鑽一孔，孔徑三毫米，似無意義。疑原爲有孔石刀，改製爲石斧，故原孔尚存，觀於全身厚薄平均可證。余在羅布淖爾亦拾有玉斧一件，係白玉質，形式與此件正同。另有玉刀二件，均屬磨製，故疑此地石器與羅布淖爾同一系統，均屬於新石器時代末期也。